

Күндтә көдлмшчнр

Тюменск областин Октябрьск загысна заводин Кеушинск участкд тав гарсн наста коммунист Асрхинов Кашкин көлгяр аца зөөнә. Ямаран чигн цаста-шуургъта киитн болвчн, Кашкин шундж көдләд, зурагъан давулдж күцәсн деерән, эврәннь көлглджәх мөрдән сәәнәр хот-хоолинъ өгч асрна. Көдлмштән сән үзмджтә төләдән заводин Күндлгънә доскд Кашкинә нернь бичгдв.

Эн заводин Матлымск участкднь Дорджиев Мутл загысч болдж көдлнә. Онъгрсн джилн загыс анънлгъна зурагъан 236 процент күцәгъәд, Күндлгънә доскд нернь бичгдв. Эн заводин загысчнр — хальмгуд дунд зурагъан 150—200 процент эс күцәсн күн уга.